

तुबारि संपादकीय  
टीम

◆अस इ उम्मिद करं लगे से कि एण बाड़े दिन अन्तर सुआ मेहणु इस कम अन्तर सहयोग कते।

◆इस तुबारि मासिक पत्रिका समाचार पत्र एकट अन्तर रिजिट्रि नेई भो। सिर्फ पांगि घाटि अन्तर पढ़ू जे इ पत्रिका शुरू कियोसि।

◆तुबारि एक अवाणिज्यिक पत्रिका भो।

◆तुबारि पत्रिका कोइ मेहणु, जनजाति, त संस्कृति गलित कहेण जे नेई छपाण लगे। अगर कोइ ई सोचता बि त अस जिम्मेवार नेई।

◆छपाणे पेहले सोभ आर्टिकल दुई टाई पांगेई मेहणु हुरालो असे। इ त खुलि बोक असि कि पेहिल बार पांगवाड़ि लिखणे सुआ मुशकिल भुन्ति त गलति बि भुन्ति। अगर कोइ लिखणे गलति असि त असि जे जरूर बोले। त अस तसे होरे संस्करण पुठ ठीक करणे कोशिश कते।

◆आर्टिकल ना मिलए, या घाटि मेहणु के मदद ना मिलए त तुबारि पत्रिका कदि बि बंद भुई सकति।

◆कोइ चिज छपां सि या नेई छपां जे तुबारि संपादकीय टीम पुरा अधिकार असा।

◆अस किलाड केन्द्रीय पुस्तकालय, त बजार राखे ठेके भेड हरिरामे दुकान अन्तर तुबारि ड्रप बॉक्स पुठ बि अपु सझाव ओर आर्टिकलस रखुं जे सुविधा कियो असि।

◆अस सोभि पांगि मेहणु जे हात जोड़ कई निवेदन कते कि, तुस बि कोइ अछा आर्टिकल, पुराणि या नौई कथा, कहावत, कविता, त नौवे घीत (पांगवाड़ी अन्तर) लिख कई छपां जे हेंनदे दिए।

तुबारि संपादकीय टीम  
9418431531  
9418429574  
9418329200  
9418411199  
9418411599

## राजा त बांदर

यक रजवाणी यक राजा थिआ। तेसे महल अन्तर सुआ जानवर थिए। यक बांदर तेस राजे सुआ टियारा थिआ। से तेसे जुओई बिशतथ त तेसे जुओई खान्तथ। यक रोज से राजा ऊंघो थिआ। से बांदर तेस पंखा करं लगे थिआ। यक माछि घड़ि घड़ि, राजे मूंह पुठ एई कई बिशुं लगेथि। बांदर तेस तरान्तेथ पर से दुबारि तेसे मूंह पुठ बिष घेन्तिथ। पता से माछि राजे नक पुठ बिश गई। बांदर तेस हेर कई लेहर एई गई त तेनि तलवार टाई कई माछि पुठ जे ठोकि त तेसे बोलि राजे नक कटि गोड।

सीख :- मुखीं जुओई कदि बि दोस्ति न लागी ।



## मुहावरे त कहावत

- ◆ यक गिहे भांणे बजते रेहेन्ते - परिवार में झगड़ा होता रहता है।
- ◆ किड़े खा रेजुड़ हेरि काश - रस्सी देख के डर लगना।
- ◆ बटीड़ घेण - डर के मारे चुपचाप बैठना।
- ◆ चुकिर तोड़ - सही ईलाज, समस्या का सही समाधान।

## खरि जुएलि कहावत

लमुएल राजे इये तेस खरि बोक षिचेलि, तेस अन्तर खरि जुएलि बारे ई सोब बताड

- ◆ खरि जुएलि केस मेति? तेसे मुल हीरे मोती कैयां बि सुआ असा।
- ◆ तेसे धेणि मन अन्तर तेस जे सुआ भरोसा असा। होर तेस फायदे कमि न भुन्ति।
- ◆ से अपु उम्र भई बुराई न लान्ति भलु कति।
- ◆ से अपु हतेउ बई धागे त ऊन्ने झिणे बणान्ति।
- ◆ से अपु टब्बुरे खाणे पीणे समान व्यापारी के जहाजी के समाने ई दूरा मगांति।
- ◆ से पथवारि खड़ि घेन्ति, त अपु गीहे बाड़ी रोटि खलान्ति। त अपु नौकरियाणी के धे बखरु-बखरु कम करं जे देन्ति।
- ◆ से जिम घेई कई हेरति त तसे खरिदति। से अपु कमाई बोलि तठि बग बणान्ति।
- ◆ से मझीन कशि कई बिशति त अपु बौउढ़ बि मजबूत कति।
- ◆ से सम्हाई परख छति कि मैं धंधा फायदे बाड़ा असा। राति तेसे लेंप न हुशता।
- ◆ से देंणु जे हतेऊ खोलति त गरीबी के सहायता करण जे हथ बढ़ान्ति।
- ◆ से अपु गीहे बाड़ी जे डंग हेर न डरति, किस कि तेसे गीहे सम्हाई मेहणु गरम झिणे लान्ते।

- ❖ से अपेप दुन्गुस, चेदुर त शरातोटि गरम धागे बई बणानति।
- ❖ जिखेई तेसे धाणि टजोट अन्तर बिशता तेस देशे मोटे-मोटे मेहणु के बुछ बि तेसे सुआ ईज्जत भुन्ति।
- ❖ से ब्याथुड, चादुर त मझीन बणाई कई व्यापारीधे बैचति।
- ❖ से रोभे झिणे लाई बिशति, एणे बाड़े टेम जे अत्मविश्वास जुओइ बिशति।
- ❖ से अक्ले बोक कति होर तेसे बोक अन्तर कृपा, शिक्षा ई भून्ति।
- ❖ से अपु गीहे चाल चलण बड़े गौर जुओई हेरती। बगैर मेहनते अपु रोटि न खान्ति।
- ❖ तेसे गभुर तेसे खड़ि कई खरि ईज्जत कते। तेसे धाणि बि खड़ि कई तेसे तारीफ कता, त बोता कि सम्हाई जिल्हाणु खरे-खरे कम किए पर तु तेन्हि सोबि कैयां बि बड़िया असि।
- ❖ शोभेई त झूठ असु। खरु हेरुं बि बैकार असु। पर जे जिल्हाणु परमेश्वर हेर डरति तेस जे सोब खरु बोते।  
.....अई.एस.वि, कहावते किताब केआ अनुवाद किओ असे। —शुभम।

### कुछ खास खबर

- ◆ हुण्डाणे देखेण बड़े धूम-धाम जोई भणो थिए।
- ◆ चम्म अन्तरराष्ट्रीय मिंजर मेला जुलाई 29 कैया शुरु भोई गोसे।
- ◆ किलाड कैया चम्म HRTC ए बस सेवा शुरु भोई गोसी।
- ◆ अगस्त/सितम्बर मेहने पांगि घाटि खास खबर 9418411599 पुठ sms करे।

बीह दिन अनशन करं केआं बाद नेते कुआ जे तेसे दोस्त बोता .....

By Shubham



ADVERTISEMENT/ BEST WISHES FOR MARRIAGES, BIRTHDAYS, RETIREMENTS Etc. Please 📞 9418429574

## माछि गन्दगि फैलांति

माछि केआं शुकि रौठि न खेईति त जपल बि तस खाण भोल त से अपु थूक रौठि अन्तर छई कई से पाणीं बणान्ति त तेस चुशति। से सुआ खान्ति त हगती बि रेहन्ति। इसे मतलब ई भुआ कि माछि जपल बि हें खांणे चीज अन्तर बिशति त से पेहले अपु थूक तठि छति त पता अपु गुह बि छति। माछि गरमी मोसम तीं ट्यारा भुन्ता। माछि हर वकत खाणे चीज त गन्दी चीज बुछ उडरती रेहन्ती। इस जुएई से बिमारी फैलान्ती। तेन्हि जुए कम से कम पन्जा केआं खड़ि बिमारी फैलाणे बाड़े जीवाणु भुन्ते। त जपल बि से हें रौठि, शाग दुध त होरे खाणे चीज अन्तर बिशती त से ना कि सिर्फ दस्त बाड़ि जीवाणु आणते बल्कि से टाइफॉइड, हैजा, टि.बी. त ऐन्थ्रैक्स बाड़ि जीवाणु बि आणते। तउं त गरमी अन्तर असि घड़ि घड़ि पेटे बिमारी लगति त होरि बिमारी बि भुन्ति। माछि दूर लाणे सोबि केआं बड़िआ तरीका सा 'सफाई', अपु सफाई, अपु गीहे सफाई त अपु आस पड़ोसे सफाई।



माछि सिर्फ 15% भुन्ति। बाकि 85% आनुण, त लोलुड अन्तर भुन्ते।